

漢書門				
一	二	三	四	五
類	號	函	架	冊

內閣文庫				
三	一〇	一	一	漢
三	一	四	五	書
冊	冊	冊	冊	冊

內閣文庫		
番號	漢	10145
冊數	5(1)	
函號	312	148

312-148

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





杜工部七言律詩

薛虞卿先生集註

淺草文庫

金閨五雲居梓行



312-148



金剛山書院藏書

杜工部七言律詩分類集註序

朝東野次子康著

杜工部七言律詩分類集註序

余初讀工部詩辯其聲未通其氣也
通其氣未晤其神也
晤其神終未獲
其解也
蓋余學與年俱進則工部與
余年俱深相人之質以讀工部之詩
高者見其高
清者見其清
權奇雄奧

者見其權奇雄奧如觀舍利本無定
光隨入自異昔陶淵明讀書不求甚
解則善讀書然紫陽諸君以一人之
識一時之諦束縛天下後世聰明才
辯之士使不敢動上以愛先聖賢之
靈下以憲時王之制則註之思微而

功著也他如輔嗣註易郭象註莊俱
於舊註外為解義妙析奇致故讀古
人書者必傳古人之心傳古人之心
者必更傳古人未盡傳之心工部忠
愛熱中所為詩獄詞嚴聳則類春秋
美刺委至則擬風雅作者固難則註

者不易故昔人有云讀書不破萬卷
 者不得杜詩看且難而況於註乎向
 來註者無慮十數家而虞註最稱有
 得然一人之意見覽識終未或盡故
 尚多舛缺欲增正之抑又難言之矣
 余友長洲薛虞卿兄真胸中破萬卷

人也邇且杜門謝客坐臥一高樓中
 即家之人亦不得數起居焉朝夕惟
 與二乘九籥為伍如此者六載於茲
 故其慧境彌朗悟地彌超仍不廢酬
 賡咏歌以資真性因憶夙所稽核杜
 律虞註之誤闕如觀造竹橋一篇二

後月
舛及少微自居爲話家共指其他金
根伏獵等訛悉爲釐正千秋暗室一
日光融遂使兩情皆得彼此俱暢豈
惟少陵知己實爲邵菴得朋矣抑余
於是而亦有所憶焉子美非襄陽人
也其先世祖預原京兆人十一世而

至審言十三世而至甫甫世葬司馬
村自審之祖氏族俱在甫前母滎陽
鄭氏出於鼎族生母清河崔氏能著
闡儀繼母范陽盧氏并父開葬首陽
其誌狀尚稽也祇緣預之少子名義
者竄於荆襄而甫遭離亂亦曾流寓

此地故譖者遂謂之襄陽兒耳何唐
書不詳察耶余曩年初宦京邸時與
友人辯此最詳第未曾記之豪楮今
因為虞卿兄作杜律集註叙遂附此
數語於叙末以補唐書之偶誤云
崇禎戊寅冬越虞友弟徐如翰叙

薛虞卿先生杜律七言集註序
杜詩備衆體而律爲最多註者數十
家而惟劉會孟虞伯生趙子嘗爲最
着子嘗專註五言伯生專註七言而
杜律始單行於世我
明楊文貞序杜律虞註疑其不出伯

生之手余嘗攷之有云元進士張性伯成所爲也穿鑿餽餽附會牽合不無林杜之訛根銀之誤魯魚帝扁之錯臘獺璋麈之謬令人心自微纏莫克了了余友薛虞卿先生有慨焉亟以釐正增註自任久之成書余乍見

而驚怖其言如河漢而無極三四讀不自知其沉湎濡首矣蓋先生履歷同於杜者五勝於杜者六故能設身以處其地推心以代其口抗眉列論抵掌擊節若起杜於九京而與之上下千古晤言一室揖之而即前呼之

而卽應也杜下第困長安獻三太禮
賦而先生以名諸生入成均貢於京
師其同於杜者一杜謁肅宗特授左
拾遺而先生奉

恩

旨除授瀘州儒訓不繇薦授其同於
杜者二杜號詩史而先生所輯郡乘

博學宏詞當道引重及吟咏篇什古
今諸體鑪錘煥然一新無一字無來
處其同於杜者三杜幽居浣花而先
生化蜀之餘懷湘弔屈尋成都之卜
肆問臨邛之酒壚其同於杜者四杜
自比稷卨情不忘君而先生服膺鄒

魯性耻折腰憂盛危明膏施未究其
同於杜者五杜扁舟下荆楚絕無地
主而先生所至爭相延款載酒問奇
戶外屢交錯其勝于杜者一杜挈家
依嚴武幾遭其殺而先生里居之宅
則長洲江令公所贈兼有詩期玉堂

棄官杜門則開府張公隆式廬之典
署其門曰盛世醇儒其勝於杜者二
杜流落劔南負薪拾橡稚子恒飢而
先生足不下樓心織筆畊重以鍾王
旭素衣鉢兼傳大名最早青藍晉國
勝於杜者三杜故交零落惟朱山人

爲隣不聞能詩而先生同社多鼎貴
或奉爲師表或待以父執其勝於杜
者四杜年未六十厄於耒陽而先生
登耄耄色腴神王能於燈下作蠅頭
小楷其勝於杜者五杜與已公旻公
贊公遊而禪定未習先生謝客數年

長齋奉戒日惟焚香寫經回向專精
淨業居然蓮臺中人其勝于杜者六
惟先生同于杜者五勝於杜者六况
本千二百意無煩鈎淡索隱弔詭挾
奇而杜之綺麗穠郁者平澹醞藉者
悲壯渾涵者清雄老秀者險拙含蓄

林序

七

者感慨沉鬱者頓挫抑揚者紆回曲
折者開闔節奏者一百五十一章之
中靡不貫徹而會通之昔人謂杜詩
無一字無來處又謂不讀萬卷書看
不得杜詩非先生於俗間經書有惠
施之五車李克之四部茂先之三十

乘蘭臺石倉天祿西陽之儲何以臻
此哉余總角與先生忘年領契迄今
升沉變幻不可勝數我兩人猶相視
莫逆謂余爲知言屬余爲序嗟夫南
華得郭象而彌玄世說得孝標而彌
瞻先生真其人乎若以余爲玄晏則

余豈敢二七

崇禎十有四年七月仙山社小弟林
其雲鳳敬篋

其雲鳳敬篋
崇禎十有四年七月仙山社小弟林
其雲鳳敬篋

崇禎十年歲在丁丑仲秋之杪奉酬上虞徐使君

見貽蘭荪湖纒因得客寄鄆河陽秋山行旅圖

乞序余集註杜律歌

君不見秦姑學得萊家技績毬紡毳成珍縞輕比織

羅更御寒貴同金縷佛所傳衣章精歲翼少君傳性中仁

精又_二不見日南蠶種特麗密越女治今法無匹抽作

梵純溫被洪遂使陽鳥借名色京師寒露忽晴造化

全功始藉成尚方惟正齋公卿何當陋巷衡門下兼

杜律集註乞序詩

十一

施忽拜故人，橫故人施我。我不違着，令溝斷生光輝。
時或濡毫做，旭素扶肩助。脫雲烟霏時，或跣趺習觀。
經車輪，朶朶蓮花青。長春一氣無寒暑，寶林妙法優。
曇馨豈但鷓鴣與，鶴鷺即是雲裘。何敢仰獨慚參也。
爲溝壑，那恤維鵜恣。南芬從今行坐與君俱，相擁寧。
勞寤寐，思況復及時。又當阨無心，却似有心期。更許。
新篇，埃刻成先聲。謝眺使人驚，其如頗解難酬報。且。
作狙探投木，迎投迎何物。是相將繪事，幸有郭河陽。

秋山崧高寫君，炤行旅。白王千里駕，試懸君壁擬。寰。
瀛竹葉舟來，勿相訝。勿相訝來何所，乞爲愍少陵。虞。
釋逸吳風近，習人鮑謝不知子。美爲何出，余今增補。
虞未收，須經玄晏高明質。倘蒙慨錄，儉父癡片言華。
衰千秋，隲附報貪婪無厭情。可容再拜如椽筆。

吳郡通家，友弟薛益頓首再拜上。

伯鷹相公閣下

杜律集註乞序詩

此詩... 律詩... 非古也... 盛於後世... 古詩三百篇皆出乎情而... 和平微婉可歌可咏... 以感發人心... 何有所謂法律哉... 自屈宋下至漢魏及郭景純陶淵明尚有古詩人之... 意顏謝以後稍尚新奇古意雖衰而詩未變也... 至沈... 宋而律詩出號近體... 于是詩法變矣... 律詩始盛于開... 元天寶之際... 當時如王孟岑韋諸作者猶皆從容蕭... 散有餘味可諷詠也... 若雄深渾厚有行雲流水之勢

杜律虞註舊序

律詩非古也而盛於後世古詩三百篇皆出乎情而... 和平微婉可歌可咏以感發人心何有所謂法律哉... 自屈宋下至漢魏及郭景純陶淵明尚有古詩人之... 意顏謝以後稍尚新奇古意雖衰而詩未變也至沈... 宋而律詩出號近體于是詩法變矣律詩始盛于開... 元天寶之際當時如王孟岑韋諸作者猶皆從容蕭... 散有餘味可諷詠也若雄深渾厚有行雲流水之勢

冠冕佩玉之風流出胸次從容自然而皆繇夫性情之正不局于法律亦不越乎法律之外所謂從心所欲不踰矩為詩之聖者其杜少陵乎厥後作者代出雕鏤鍛鍊力愈勤而格愈卑志愈蕩而氣愈弱蓋局于法律之累也不然則叫呼叱咤以為豪皆無性情之正矣夫觀水者必于海登高者必于嶽少陵其詩家之海嶽歟百年之前趙子嘗虞伯生范德機諸公皆擅近體亦皆宗于杜伯生嘗自比漢庭老吏謂深

于法律也又嘗取杜之七言律為之註釋伯生學廣而才高味杜之言究杜之心蓋得之深矣觀其題桃樹一篇自前輩已謂不可解而伯生發明其旨瞭然仁民愛物以及夫感歎之意非淺得于杜乎或疑此編非出於虞蓋謂歐陽原功所撰墓碑不見錄也伯生以道學文章重當世碑之所錄取其大而畧其小故錄此未足以見伯生然必伯生能為此也

廬陵楊士奇序

Faint bleed-through text from the reverse side of the page, appearing as ghostly vertical columns of characters.

少陵紀畧

公杜氏名甫字子美少陵拾遺工部后人以爵里稱世為襄陽人晉當陽侯預十三世孫曾祖依藝監察御史祖審言膳部員外郎父閑奉天令審言善詩與蘇味道李嶠崔融齊名時稱文章四友公詩蓋亦鉢於祖而益大之閑令奉天日生公於官遂為杜陵人公生於先天元年壬子當睿宗之世次年癸丑玄宗受禪改元開元乙卯觀公孫氏舞劔器於郾城戊午

七齡能開口詠鳳凰庚申九齡能書大字丙寅出遊
選場辛未遊吳越甲戌自越歸赴鄉舉乙亥下第丁
丑從李白高適遊亦在齊趙境天寶五載丙戌歸長
安丁亥應詔不中己丑寓東都辛卯進三大禮賦玄
宗奇之命待制集賢院時年四十壬辰召試文章送
隸有司甲午進封西岳賦乙未授河西尉不拜改右
衛率府胄曹參軍丙申丁祿山之亂聞肅宗卽位靈
武奔行在陷賊中至德二載丁酉脫賊至東都謁肅

宗於鳳翔拜左拾遺時年四十六會房瑄敗於陳濤
斜以門客董廷蘭事罷相公上疏言罪細不宜免大
臣帝怒詔三司雜問以宰相張鎬採乃解乾元元年
戊戌出爲華州司功己亥鄴城師潰史思明寇河南
其公棄官客秦州冬往同谷縣入蜀上元元年庚子
裴冕爲卜草堂於成都之浣花溪辛丑召補京兆功
曹參軍不赴時道梗又嚴武入蜀得所依也二年間
李若幽代裴冕光遠代若幽光遠卒高適以蜀州刺

史攝尹事而嚴武代光遠時有段干璋之亂故尹敷
易寶應元年壬寅嚴武召還以高適代公送武到綿
州未幾蜀有徐知道之亂公入梓州玄宗肅宗相繼
崩代宗即位歲在癸卯改元廣德公浮游梓閬間甲
辰自梓往聞嚴武再鎮蜀代適也遂歸成都武表
公為節度叅謀檢校工部員外郎賜緋魚袋永泰元
年乙巳四月嚴武卒以郭英乂為成都尹崔旰反寇
成都英乂奔靈池公亦辭草堂下戎州歷忠渝居雲

安太曆元年丙午自雲安至夔秋寓夔之西閣是歲
杜鴻漸平蜀亂表旰為節度使丁未遷居赤甲又遷
瀘西東屯復歸瀘西戊申出峽去夔至江陵遷公安
冬入岳陽時楊子琳反陷成都己酉自岳陽至潭州
尋入衡州復回潭州庚戌在潭率舟居又值臧玠之
亂因避入衡州欲往郴州不果回潭謀歸襄陽道卒
年五十九殯於岳陽子宗文宗武宗文小名熊兒宗
武小名驥宗文早夭宗武有子曰嗣業然宗武亦貧

死不能葬公後四十年嗣業乃克襄事而元積爲之
銘公少貧不自振客遊所至入鮮知者惟李邕奇其
材困長安中稍稍以賦頌自見高自稱許會遭亂不
果用肅宗朝復以直忤旨遂坎軻終其身棄官流離
值年艱窶身自負薪採橡栗以食孺弱有饑死者究
之身亦不免至其爲詩渾渥汪洋千彙萬狀兼古今
而創之他人不足公獨有餘雖與李白齊名白亦卒
不能及公素許身稷禹固非其倫然流離顛沛心不

忘君其忠亦足念也諸瑣瑣不足信者並削不書

按小說稱子美往耒陽過江上舟中飲醉不能歸
爲水標去玄宗自蜀還詔求之邑令壘空墳以應
唐史因之遂有牛酒大醉一夕卒之語又呼嚴武
爲挺之兒幾爲所殺幸簾鉤其冠者三武母救之
得免是二事者世靡不以爲實錄徐考之無當也
玄宗自蜀歸公方官諫省帝晏駕公在蜀代宗登
極後八年公始卒安得當玄宗之世而公逝其失

實者一嚴武遇公甚厚公詩美嚴亦甚備歿猶思
之不實雖有小忤不廢大德彼何自而殺公其失
實者一一可事斷一可理斷皆不足信者聊書之
以就正于博雅君子

白雲漫史識

杜律集註心解題詞

杜律集註心解題詞

或問王荆公云編四家詩以子美為第一太白為第
四豈白之材格詞致不逮子美耶公曰白之歌詩飄
逸豪放人固莫及然其格止于此而已不知變也至
于子美則悲歡窮泰發歛抑揚疾徐縱橫無施不可
故其詩有平淡簡易者有綺麗精確者有嚴重威武
若三軍之帥者有奮迅馳驟若泛駕之馬者有澹泊
閑靜若山谷隱士者有風流醜藉若貴介公子者蓋

其詩緒密而思深觀者苟不能臻其闢奧未易識其
妙處夫豈淺近者所能窮哉此子美之所以光掩前
人而後來無繼也元積以謂兼人所獨專斯言信矣
遊哉閱覽

吾觀少陵詩謂與元氣侔力能排天幹九地壯顏毅
色不可求浩蕩八極中生物豈不稠醜妍巨細千萬
殊竟莫見以何雕鏤惜哉命之窮顛倒不見收青衫
老更斥餓走半九州瘦妻僵前子仆後攘攘盜賊森

戈矛嗟哦當此時不廢朝廷憂嘗願天子聖大臣各
併周寧今吾廬獨破受凍死不忍四海赤子寒颼颼
傷此悼屈止下身嗟時之人我所羞所以見公畫載
拜涕泗流推公之心古亦少願起公死從之遊王介
甫
上薄風雅下該沈宋言奪蘇李氣吞曹劉掩顏謝之
孤高雜徐庾之流麗盡得古人之體勢而兼昔人之
所獨專矣至若鋪陳終始排比聲韻大或千言次猶
數百詞氣豪邁而風諷清浚屬對律切而脫棄凡近

則李尚不能歷其藩翰况壺奧乎元稹微之
侍華者質反好麗者壯違人得一槩皆自名所長至
甫渾涵汪茫千彙萬狀兼古今而有之他人不足甫
乃厭餘殘膏賸馥治出後人多矣故元稹謂詩人以
來未有如子美者甫又善陳時事律切精淡至千言
不少衰世號詩史昌黎韓愈于文章慎許可至歌詩
獨推曰李杜文章在光焰萬丈長誠可信云宋祁

杜律虞註叙畧

杜律虞註說者謂為元人張性伯成所為而托之虞
以顯理或然者歐陽原功撰虞墓碑不及杜註東里
業已疑之則其為贗書可必也余使流亂見彼國所
讀書獨無經而以杜律虞註當之亦唐雞林賈之儔
與今其書具存試諦觀之若鶯啼修竹不知為梁孝
之園犬吠白雲不知為淮南之宅宗臣之贊不知為
蕭何顯繁之表不知為王戎下韞不知為桓虞仗鉞

不知爲宗資寒帷不知爲賈宗斷石不知爲峽長流
不知爲江湖語不知有老子自寬不知有榮期息機
不知有馬援如泥不知有周澤高門不知有鮑宣耶
筒不知有李商隱行路難不知有袁山松烏皮几不
知有謝玄暉與夫窮愁之本於四離獨夜之本於七
哀糾紛之本於賈誼幽側之本於沈約真源之本於
昭明青龍之本於葛陂朱樵之本於西樓伯仲之本
於典論指揮之本於漢書莫打鴨之本於古曲欲教

鋤之本於卜居菱荷衣之本於離騷蕙葉之本於孔
雀賦悲壯之本於漁陽搗奉引之本於聖公傳袈裟
之本於四分律亦或未之攷焉甚者金盃泥於玉盃
步檐訛爲步蟾軍儲自供未稽府兵之制洞門對雪
莫奢掖垣之規高葉忽雲石之光打鼓昧發船之節
芋栗忘其橡實諸天遺乎內典柑黃三寸莫憶義康
之豪鵬礙九天弗紀楚文之異彩筆氣象謂以才而
干入江漢垂綸恐因老而不錄則其涉於蕪陋謬悠

也滋其曾謂文人之註有是乎故以此解杜是爲誣
杜以此名虞是爲誣虞宐毗陵氏擯而黜之自毗陵
說行世稍知其爲贗不可謂無功於虞惜所釋寥寥
無足深明作者之軌謂之有功於杜或未也用是不
揣姑會其意而爲之詞竊附古者以意逆志之說云
云
白雲漫史書
公稱笑矣

薛益跋曰白雲先生之說是矣然亦未若此之甚如
觀橋合歡盧充金盃等一二顯誤則當正之其大都
冠絕諸家定不可泯故天亦從之若有待于今日者
然蓋益稚年隻管所窺迄今耄而愈甚者乃述聖氏
言思知人不可以不知天也益時時體省久之憬然
卽鉅如王霸細若豆箆何一非入而亦何一非天自
未季黨興舉人天一筆塗勾桀黠者夸父惟知有我
而我其所我困敦者流沙并不知我我皆不知而況

人乎而又况天平益仍管傍惟奉亞聖氏集養悅心
他一無知己及讀楊子雲固拒附名皮襲美痛戒文
業子美當流離維谷時仙人王皎明語其為少微星
謫今雖偃蹇他日大名當垂萬世究竟李唐一代詩
篇惟杜白為華夷誦讀迺虞註出之最晚真耶贗耶
而獨與偕參之坡仙奎宿章蔡輩剷滅無遺文翰終
行千古事類一變而帝則必察全鼎可知用是隻管
箋杜一秉于虞誤則竭博稽之力正則任習氣之口

前庚辰歲始事再庚辰歲告成歲次一週中揆閱則
諸春競美發興則蓮柳爭妍又重之以修默懸符胥
鈔密印上虞徐伯鷹使君加契最早崇禎丁丑歲八
月伯鷹手書貽貺且云方事刻集索余所註杜詩余
應以半而其書中多悽慘之情非復生平絕倒之素
且報門牙已落讀之不覺動心遂答一歌藉手乞其
玄晏余亦以頑癩誤藥幾殆雖邀迦摩羅幸諸事度
閣今辛巳秋海陽舊社兄程伯洋力任梓傳林若撫

社長又不惜自傷藻鑑盛費青黃以起溝斷復出默
居士心解舊聞其相底成天機輻輳癡管固然迺贅
跋其緣繇聽從剗剛如此

崇禎十四年歲在辛巳秋八月書于虛閣關中

[Faint bleed-through text from the reverse side of the page]

杜律心解凡例

一凡詩皆本性情一時天機感觸有不容言者為
妙最今人皆泥其鍛鍊精澁者為上而易自
然者為下而忽之略不為之闡析發明此尤註
家之大病余雖疎淺亦不敢忽性情而崇句律
以負老杜以誤後人卒使三百篇之遺韻竟湮
沒而不存

一杜詩嘗本之六經語貫穿子史奴隸諸家所以

杜律心解凡例

人不可及時俗何據而謂詩不用儒書語更爲可笑

一詩兼與比賦后人詩不及古者以賦體多而寄興淺也故凡詩中詠物如雁燕鷗鴨之類當明其托物比興即寫懷志感中類多有之讀者不可草草略過斯其爲善讀杜者右心解係晉陵修默居士挾以官遊萬曆甲辰春刻於湖西竟不知心解者與修默白雲爲誰姑仍原號以埃之

杜工部七言律詩分類集註目錄

卷之一

紀行

恨別

述懷

聞官軍收河南河北

江上值水如海勢聊短述

撥悶

曉發公安數月憇息此縣

愁

卽事

峽中覽物

暮歸前水吹寒遠悶戲呈路十九曹長

懷古言軍外所南其

詠懷古跡 五首 蜀相

將相

諸將 五首

宮殿

奉和賈至舍人早朝大明宮

宣政殿退朝晚出左掖九

紫宸殿退朝口號

省宇

題省中院壁 宿府

院中晚晴懷西郭茅舍

居室

堂成

狂夫

卜居

野老

杜律
金

江村

赤甲

簡吳郎司法

又是吳郎

題人屋

栢學士茅屋西渡崔氏東山草堂

宗族

舍弟觀赴藍田取妻子到江陵喜寄 三首

隱逸

潭山人隱居 題張氏隱居

卷之南隣

釋老

十二月一日 三首

留別公安大易沙門

因許入奉寄江寧旻上人

寺觀

洛城縣香積寺官閣

暮登西安寺鐘樓寄裴才廻

玉臺觀

上律
目錄
三

四時

卽事西園去後
暮春

曲江江首
曲江對酒

曲江對雨
多病執執奉懷李尚書

早秋苦熱堆案相仍
上人

秋興八首
登高

秋盡
十二月一日 三首

卷之二

節序

立春

人日

小寒食舟中作
九日 二首

九日藍田崔氏莊

小至

冬至日遣興奉寄北省舊閣老兩院故人 二首

冬至

至後

臘日

書夜

書夢

夜

天文

江雨有懷鄭典設

雨不絕

返炤

地理

望岳

黃草

灩澦

樓閣

白帝城最高樓

江陵節度使陽城郡王新樓成王請嚴侍御

判官賦七字句同作

又作此奉衛王

七月一日題終明府水樓二首

登樓

閣夜

眺望

野望

望野

亭榭

滕王亭子

題鄭縣亭子

果實

題桃樹

野人送朱櫻

舟楫

進艇

城西陂泛舟

橋梁

陪李七司馬阜江上觀造竹橋即日成往來

燕飲

燕飲

曲江陪鄭八丈南史飲

鄭駙馬潛曜宴洞中

音樂

吹笛

禽獸

見王監兵馬使說近山有白黑二鷹羅者久
取竟未能得王以毛骨有異他鷹恐臘後
春生鶯飛避暖勁翼思秋之甚眇不可見
請予賦二詩

燕子來舟中

虫類

見螢火

簡寄

將赴成都草堂途中有作先寄嚴鄭公 五首

奉待嚴大夫 贈獻納起居田舍人澄

奉寄高常侍

奉寄章十侍御時初罷梓州刺史東川留後

將復赴朝廷

將赴荆南寄別李劔州弟

奉寄別馬巴州 贈章七贊善

崔評事弟許相迎不到應慮老夫見泥雨怯

出必愆佳期走筆戲簡

贈田九判官梁丘

寄常徵君

所思

尋訪

賓至

嚴中丞枉駕見過

嚴公仲夏枉駕草堂兼携酒饌得寒字
王十七侍御掄許携酒至草堂奉寄此詩便
請邀高三十五使君同到

酬寄

奉酬嚴公寄題野亭之作

酬郭十五判官受

和裴廸登蜀州東亭送客逢早梅相憶見寄

別送

季夏送鄉弟韶陪黃門從叔朝謁

章梓州橘亭餞成都寶少尹得涼字

奉送蜀州栢二別駕將中丞命赴江陵起衛

尚書太夫人因示從弟行軍司馬位

送路六侍御入朝

又送辛員外

送李八秘書赴杜相公幕

送王十五判官扶侍還黔中得開字

鄭十八虔貶台州司戶參軍傷其臨老陷賊
之故闕為面別情見于詩

公安送韋二少府匡贊

送韓十四江東省覲

長沙送李十一御

宇文晁尚書之甥崔或司業之孫尚書之子

重泛鄭監前湖

雜賦

示獠奴阿段

魚受波益前脈

字文泉尚書之賜野野田業之孫尚書以千

是少滋李十一斷

十四山京官廳

去章二少排里登

之國國商田民皆良士結

目錄終

源十人更以合世百天參軍參其諸美御親

